

運氣略

王仲元

運氣略

肝江

張錫

卷

金壇

王肯堂

校

五運起例訣

甲巳化土乙庚金

丁壬化水盡成林

丙辛水運分清濁

戊癸南方火運成

十干屬陰陽

甲丙戊庚壬屬陽

乙辛巳丁癸屬陰

十二支屬陰陽

子寅辰午申戌屬陽 丑卯巳未酉亥辰陰

十干合

甲巳合 乙庚合 丁壬合 丙辛合

戊癸合

每年交運日時

申子辰年大寒日寅初交亥卯未年大寒日

亥初交

寅午戌年大寒日申初交巳酉丑年大寒日

巳初交

運氣略序

張三錫曰、運氣有陰陽時候、有寒暑、平則爲正、六則爲邪、人在氣中、因虛而感、隨感而變病矣、又久晴陽亢、燥熱過極、治以潤劑、忌行燥藥、天久霖雨、濕令大行、宜燥脾土、潤劑乃忌、故素問曰、不知年之所加、氣之盛衰、虛實之所起、不可以爲工、今搜採素難、各名家要言、爲運氣略、

以爲工今外科素饒各各寒要言爲聖屢經

曰不昧乎之祖賦履之益衰盡實之祖賦不可

父靈雨縣令大丘宜樂里士聞濟以爲姑蘇間

又入部則立舉時盡避宮以聞濟忌下舉藥夫

六順爲邪入五羖中因亂而烈烈而變變而矣

裴二黜曰重辰育劍魁劫劫育寒暑平頃爲五

軍器司

五運要略

經曰、不知年之所加、氣之盛衰、不可以爲工也。
又曰、先立其年、以明其氣、左右應見、乃可以言
死生之逆順也。夫先立其年者、每年先立其運
也。蓋運者、動也。主行乎天地之間、管一年之化
令也。故甲巳二年爲土運、乙庚二年爲金運、丙
辛二年爲水運、丁壬二年爲木運、戊癸二年爲
火運也。且夫土運太過、則雨濕流行、濕病乃生。
腎水受邪、治當除濕以補腎。如金運太過、則燥

氣流行、燥病乃生、肝木受邪、治當清燥以補肝、如水運太過、則寒氣大行、寒病乃生、而心火受邪、治當逐寒以補心、如木運太過、則風氣大行、而風病乃生、脾土受邪、治當平木以補脾、如火運太過、熱氣大行、則熱病乃生、而肺金受邪、治當降火以補肺也、凡五運不及、淫勝鬱復、而能爲病者、皆不出五行生尅之理也、內經曰、未至而至此、謂太過、則薄所不勝、而乘所勝也、命曰氣淫、至而不至、是謂不及、則所勝妄行、而所生

受病所不勝薄之也。命曰氣迫。所謂求其至者。氣至之時也。王註曰。凡候於立春前十五日。以候之。如春氣未應至而至者。來氣太過也。立春已得甲子。春氣應至而不至者。來氣不及也。餘三時以此而推之也。凡五行之氣。我尅者爲所勝。尅我者爲所不勝。生我者爲所生也。假令肝木有餘。是肺金不足。金不能制木。故木無所畏。其氣有餘。反薄肺金。而乘其脾土也。故曰薄所不勝而乘所勝也。此五臟之氣。內相淫併爲疾。

也。又如肝木氣少不及，則不能以制土，土無所畏，而遂妄行，乃凌其腎水矣。故曰：所勝妄行，而所生受病也。肝木之氣不平，則肺金之氣自薄，故曰：所不勝薄之也。蓋木氣不平，土金交薄，相迫爲疾，故曰：氣迫也。餘皆倣此而推之。夫人在天地中，得冲氣而和，觸乖氣而病，未有逃於五行者。然冲氣者，乃歲運之氣平和也；乖氣者，勝復之氣更作也。所以侮而乘之者，侮反受邪，出乎爾者，反乎爾，未有勝而不復者也。蓋天地之

氣有時而偏、有時而勝、若無以救之、萬物所
者、幾希矣、內經曰、亢則害、承迺制、此之謂也、
亢者、過極也、物惡其極、則害矣、制者、尅勝也、制
其勝、則能生化也、經曰、木位之下、金氣承之、土
位之下、水氣承之、金位之下、火氣承之、火位之
下、陰精承之、水位之下、土氣承之、蓋承者、隨也、
襲也、此皆五行生尅制化之理、凡爲太醫、不可
不知也、

六氣

風火暑濕燥寒是天之六氣也

子午少陰君火

午屬離為正化
子為對化

丑未太陰濕土

土屬申而奇坤以未為正化
丑為對化

寅申少陽相火

火生子寅以寅為正化
申為對化

卯酉陽明燥金

金屬酉為正化
卯為對化

辰戌太陽寒水

水行地中以戌為正化
辰為對化

司天在泉王客勝負

主氣以其年年不移故謂之主

厥陰風木初氣

主大寒至春分

少陰君火二氣

主春分至小滿

少陽相火三氣

主小滿至大暑

太陰濕土四氣

主大暑至秋分

陽明燥金五氣

主秋分至小雪

太陽寒水六氣

主小雪至大寒

客氣以其逐年遷轉故謂之客

子午少陰君火司天 卯酉陽明在泉

初氣太陽加厥陰

寒風交作

二氣厥陰加少陰

風火相生

二氣少陰加少陽

火暑加臨

四氣太陰加太陰

瘴氣流行

五氣少陽加陽明

火勝尅金

六氣陽明加太陽

金水相生

丑未太陰濕土司天

辰戌太陽在泉

初氣厥陰加厥陰

風淫大勝

二氣少陰加少陰

一火相炎

三氣太陰加少陽

濕熱相蒸

四氣少陽加太陰

熱生溽暑

五氣陽明加陽明

燥淫太勝

六氣太陽加太陽

火極水冰

寅申少陽相火司天

巳亥厥陰在泉

初氣少陰加厥陰

風熱早行

二氣太陰加少陰

濕熱相搏

三氣少陽加少陽

炎暑肆虐

四氣陽明加太陰

清燥勝濕

五氣太陽加陽明

寒氣早來

六氣厥陰加大陽

風寒相襲

卯酉陽明燥金司天 子午少陰在泉

初氣大陰加厥陰 寒雨時作

二氣少陽加少陰 暑氣早行

三氣陽明加少陽 溫氣間作

四氣太陽加太陰 雨霖淫

五氣厥陰加陽明 風蕭瑟

六氣少陰加太陽 濕氣流行

辰戌太陽寒水司天 丑未太陰在泉

初氣少陽加厥陰 熱早發

二氣陽明加少陰

原風間作

三氣太陽加少陽

寒雨時作

四氣厥陰加太陰

風淫勝濕

五氣少陰加陽明

火奪金權

六氣太陰加太陽

寒雨陰沉

巳亥厥陰風木司天

寅申少陽在泉

初氣陽明加厥陰

開氣害生

二氣太陽加少陰

寒雨妨物

三氣厥陰加少陽

風火交作

四氣少陰加太陰
濕熱相蒸

五氣太陰加陽明
涼雨殺物

六氣少陽加太陽
濕氣流行

論曰一定而不可易者四時也萬變而莫測者

五氣也春溫夏熱秋涼冬寒四時序而五氣調

病安生焉春暖而反寒夏熱反涼秋涼反熱冬

寒反溫病斯作矣乃以四時爲主而五氣爲客

者此也又土地溫涼高下不同物性剛柔食居

亦異誠能察天時審地理察人事始可以言醫